

**Atuisartunut pisisartunullu siunnersuisoqatigiit,  
tuniniaasarneq, nalunaaqutsersuisarneq, akit aamma  
atuisartunut pisisartunullu maalaaruteqartarfittut  
ataatsimiititaliat pillugit Inatsisartut inatsisaata  
allanngortinneqarneranik Inatsisartut inatsissaat  
(Ilaasortalersugaaneq aamma Atuisartunut  
Pisisartunullu Maalaaruteqartarfittut  
Ataatsimiititaliap allattoqarfeqarnerata  
allanngortinneqarnera)**

**§ 1.**

Atuisartunut pisisartunullu siunnersuisartoqatigiit, tuniniaasarneq, nalunaaqutsersuisarneq, akit aamma atuisartunut pisisartunullu maalaaruteqartarfittut ataatsimiititaliat pillugit inatsisartut inatsisaanni nr. 10, 13. november 1986-imeersumi, ilaatigut inatsisartut inatsisaatigut nr. 1, 28. februar 1994-imeersukkut kingusinnerpaamillu inatsisartut inatsisaatigut nr. 13, 12. november 2001-imeersukkut allanngortinneqartumi, makku allannguutigittinneqassapput:

**1. § 2, imm. 1** ima oqaasertaqassaaq:

"Inatsisip matuma nakkutigineqarnera Atuisartunut Pisisartunullu Siunnersuisoqatigiinnit aamma Naalakkersuisunit imaluunniit taamaaliornissamut Naalakkersuisut piginnaatitaannit isumagineqarpoq."

**2. § 2, imm. 4, oqaaseqatigiit aappaat** ima oqaasertaqassapput:

"Taamatuttaaq pisinnaavoq inatsimmi matumani § 27, imm. 9 naapertorlugu kapitali 9-p nakkutigineqarneranik isumaginnittuusoq."

**3. § 27, imm. 1** ima oqaasertaqassaaq:

"Atuisartunut Pisisartunullu Maalaaruteqartarfittut Ataatsimiititaliaq qulingiluanik ilaasortaqqarpoq ima toqqarneqartunik:

- 1) ilaasortat sisamat Atuisartunut Pisisartunullu Siunnersuisoqatigiit ilaasortamik taakkuluunniit sinniisussaasa akornanni toqqakkat,
- 2) ilaasortaqqarpoq ataaseq toqqarneqassaaq Arbejdsgiverorganisationen for Handel, Service og Transportehvervene i Grønland, HST-imit,
- 3) ilaasortaqqarpoq ataaseq toqqarneqassaaq Sulisitsisut Peqatigiiffiannit, GA,
- 4) ilaasortaqqarpoq ataaseq toqqarneqassaaq Kalaallit Nunaanni Brugseninit, KNB,

5) ilaasortaq ataaseq toqqarneqassaaq Pisiffik A/S-imit aamma KNI Pilersuisoq A/S-imit ataatsimoorullugu aamma

6) ilaasortaq ataaseq, inatsisilerituujusussaq, naalakkersuisoqarfimmit akisussaasumit toqqarneqassaaq."

4. § 27, *imm.* 2 ima oqaasertaqassaaq:

"*Imm.* 2. Naalakkersuisunit toqqagaalluni ilaasortaq Atuisartunut Pisisartunullu Maalaruteqartarfittut Ataatsimiititaliami siulittaasuussaaq."

5. § 27-mi *imm.* 9-tut ilanngunneqassaaq:

"*Imm.* 9. Atuisartunut Pisisartunullu Maalaruteqartarfittut Ataatsimiititaliap allattoqarfeqarnera Atuisartut Pisisartullu Siunnersuisoqatigiinnit isumagineqassaaq."

## § 2.

Inatsisartut inatsisaat ulloq 1. juni 2002-miit atuutilerpoq.

*Namminersornerullutik Oqartussat, ulloq 21. maj 2002*

Jonathan Motzfeldt

/

Sólja í Olavsstovu

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut

